

繡刻殺狗

記定本

目錄

第一齣 家門大意

第二齣 諫兄觸怒

第三齣 蔣園結義

第四齣 妻妾共議

第五齣 孫榮自嘆

第六齣 喬人行謔

第七齣 孫華拒諫

第八齣 旅店借居

第九齣 孫華家宴

第十齣 王婆逐客

第十一齣 窰中受困

第十二齣

雪夜救兄

第十三齣

歸家被逐

第十四齣

喬人算帳

第十五齣

妻妾嘆夫

第十六齣

吳忠看主

第十七齣

看書苦諫

第十八齣

審中拒奸

第十九齣

計倩王老

第二十齣

安童將命

第二十一齣

花園遊賞

第二十二齣

孫榮奠墓

第二十三齣

王老諫主

第二十四齣 謀殺孫榮

第二十五齣 月眞買狗

第二十六齣 土地顯化

第二十七齣 見狗驚心

第二十八齣 喬人負心

第二十九齣 院君回話

第三十齣 吳忠仗義

第三十一齣 夫婦叩窰

第三十二齣 迎春私嘆

第三十三齣 親弟移屍

第三十四齣 拒絕喬人

第三十五齣 斷明殺狗

第三十六齣

孝友褒封

殺狗記

明徐 睺著 龍子猶訂定

第一齣 家門大意

〔滿江紅〕〔末上〕鐵硯毛錐。幾年向文場馳逐。任雕龍手段。俯頭屈足。浪跡渾如萍逐水。虛名好似聲傳谷。笑半生夢裏鬢添霜。空碌碌。酒人中。聊托宿。詩社內。聊容足。價嘲風弄月。品紅評綠。點染新詞別樣錦。推敲舊譜無瑕玉。管風流領袖播千秋。英雄獨。〔問答如常〕

〔鴛鴦陣〕孫華家富貴。東京住結義兩喬人。誑語讒言。從中搬鬪。將孫榮趕逐。投奔無門。風雪裏救兄一命。將恩作怨。妻諫反生嗔。施奇計。買王婆黃犬。殺取扮人身。夫回驀地驚魂。去浼龍卿子傳。托病不應承。再往客中。試尋兄弟。移尸慨任。方辨疎親。清官處喬人妄告。賢妻出首。發狗見虛真。重和睦。封章褒美。兄弟感恩恩。

兩喬人全無仁義。

蠢員外不辨親疎。

孫二郎破窰風雪。

楊玉貞殺狗勸夫。

第二齣 諫兄觸怒

〔掛真兒〕〔生上〕積善之家慶有餘。傳留下萬卷詩書。性稟剛貞。胸懷仁義。更

喜門庭豪貴。兩字功名志未酬。藏珠韞玉且優游。家傳閥閱經多載。世代簪纓知幾秋。無諂詐有剛柔。果然名字播皇州。家中財寶如山積。庫內錢財似水流。卑人姓孫。名華。排行第一。祖貫東京人氏。曾攻詩史。未遂風雲。喜得家道豐盈。儘可優游歲月。荆妻楊氏。婦道頗閑。侍女迎春。家規能守。有個同胞兄弟。喚做孫榮。從小是卑人撫養成。人。今經一十八歲。未曾婚配。一應家事。俱是卑人總理。他只在學館攻書。見成安享。這也罷了。奈他性多執拗。才欠圓通。胸中之學。或者有餘。戶外之事。全然未曉。每每觸忤卑人。屢加訓責。他縱無怨恨之心。奈絕無順從之美。正所謂江山易改。稟性難移。近來卑人結識得兩個好友。一個是柳龍卿。一個是胡子傳。此二人不但詩禮之儒。頗饒豪俠之氣。又且知機識變。博學多能。物情市價。無所不通。官訟家常。何事不曉。與卑人相愛相親。如同手足。卑

人意欲結義他爲兄弟。一來家中百事商量有靠。二來要他教導孫榮。使他通些世務。昨日已曾對柳胡二友說過了。也要兄弟孫榮在內。不免與兄弟通知。兄弟孫榮那里。〔小生扮孫榮上〕

〔前腔〕兄弟怡怡樂有餘。終日裏玩史攻書。十載辛勤一朝遭際。不負家傳豪貴。小生孫榮是也。在書房中看書。不知哥哥有何事呼喚。不免上堂廝見。〔見相揖介小生〕哥哥呼喚小弟。有何分付。〔生〕喚你出來。非爲別事。

〔繡帶兒〕吾朋友如龍卿有幾。兼之子傳賢齊。〔小生〕且住。那柳龍卿胡子傳是市井之徒。諂諛之輩。哥哥說他甚麼。〔生〕兄弟差矣。他兩個義比雲霄。與咱契似簣簣。〔小生〕思之。人情末世奸似鬼。怕只怕面從心背。〔生〕別的人信不過。他這兩個人。做哥的信得過。他心事你哥哥儘知。欲待要與他結交做兄弟。

〔前腔〕〔小生〕忠規非直諒多聞善輩。何必異姓結義。〔生怒介〕就結義個異姓何妨。〔小生〕今日一語輕交。他時駟馬難追。〔生〕休疑此心獨斷無後悔。你這蠢東西。結義了這兩個人。得他教導你教導也好。少不得學他些伶俐。〔小生笑介〕要他來教

導孫榮。他教導出些什麼來。小家子心低志低。這輩諂諛之人。還該疎遠他纔是。怎麼倒去親近他。難道是推不開嫡親兄弟。〔生〕結義過。就如嫡親一般了。〔小生〕哥哥要結義他。自去結義。小弟決不敢從命。正是畫虎畫皮難畫骨。知人知面不知心。〔下生〕看這拘種。恁般執性。我有了龍卿子傳結義。勝如手足。那希罕這小畜生。且喚吳忠出來。分付他安排筵席便了。吳忠那里。〔末扮吳忠上〕白馬黃金五色新。不應親者強來親。一朝馬死黃金盡。親者如同陌路人。覆大員外。有何分付。〔生〕吳忠。你明日與我擺設酒筵。在蔣家花園內。務要整齊。〔末〕不知員外擺幾席酒。〔生〕三席。〔末〕請什麼客。〔生〕請柳胡二位官人。〔末〕柳胡二位官人與員外是三桌。還少一桌。〔生〕這一桌那個坐。〔末〕書房裡小官人。〔生〕哇。你那里知道。明日筵會。非通小可。乃是與柳胡二官學桃園結義之事。這小畜生不聽教誨。不要他去。你聽我道。〔大聖樂〕吾家累代纓紳。我一身享現成。金玉滿堂多豪貴。怎答謝父娘恩。奈嫡親兄弟不和順。卻與非親結義親。〔合〕此事非容易。也算人生好惡。宿世緣分。

〔前腔〕〔末〕東人富室豪門。論結交須謹慎。他人怎比得親骨肉。久久見假和真。尋思及早回頭省。莫把親人如陌路人。〔合前生〕今後只依我分付而行。再莫提起那小畜生。

你今先去小亭中。

肴饌新鮮酒味濃。

情到不堪回首處。

一齊分付與東風。

第三齣 蔣園結義

〔末上〕受人之托。必當終人之事。蒙員外分付我去蔣家園裏擺酒。說話之間。此處已是了。好景致。清風亭上景無過。魚戲橋邊耀碧波。試問此園誰是主。主人來少客來多。酒席完備了。不免去請二位解元。轉灣抹角。此間已是柳解元門首。有人在此麼。〔淨內應〕你是那個。〔末〕我是孫大員外家吳忠。〔淨〕到此怎麼。〔末〕特來請喫酒。〔淨上〕來了。若說喫酒。跳腳舞手。〔末〕不說喫酒呢。〔淨〕打殺也不走。

〔丹鳳吟〕行過柳堤。步入園內。〔末〕那一位解元何處。〔淨〕可是胡子傳麼。〔末〕正

是。〔淨〕隨着我來。兀的便是。〔末〕胡解元在家麼。請喫酒的在此。〔丑上〕來了。甚人請喫嘴。〔末〕喫酒。怎麼說喫嘴。〔丑〕沒有嘴。怎麼喫酒。〔末〕還是喫酒。〔丑〕喫酒好歡喜。〔見淨介〕呀。龍卿哥也在此。〔揖介淨丑〕怎不見孫兄來至。去接取。去接取。迎着卽便回。〔末〕二位不消去。只在此等候。待我去請員外來便了。〔淨丑〕有理。說道我每來此處。懸懸望着員外至。〔末〕我便去。這酒席不要先動。〔淨丑〕豈有此理。我二人替你看好在。〔末〕有勞。〔下淨〕兄弟。到被他說着了。〔丑〕怎麼說着了。〔淨〕我今早出來。還不曾喫飯。腹中甚是饑餓。莫若我先偷些酒喫如何。〔丑〕小弟也用得着在此。只怕大哥來。見了不好意思。〔淨〕這個何難。都推在吳忠身上便了。〔丑〕有人來。怎麼處。〔淨〕如今一個看人。一個喫酒。如有人來。咳嗽爲記。〔丑〕那個先去看人。〔淨〕你先去看人。我喫酒。我喫完了替你來。〔介〕告飲了。〔丑〕偷酒喫還有許多禮數。〔淨〕自古道禮不可缺。〔又喫介丑〕他只管喫了去。竟不替我去喫。不免哄他一哄。〔咳嗽介淨驚介〕兄弟。有什麼人來。〔丑〕沒有。〔淨〕你爲何咳嗽起來。〔丑〕若不咳嗽。連桌子都喫了下去了。如今你去看人。〔喫介渾科生末上〕

〔節節高犯〕〔生〕相邀結義的好兄弟。〔見介淨丑〕兄弟望兄不來至。肝腸碎。〔末〕

試向前排喫食。〔生〕爲何盤饌先狼藉。〔鮑老催〕〔淨丑〕吳忠的先偷喫。〔黃龍滾〕

〔末〕對面間枉屈人。甚張志。〔淨丑〕哥哥。今日之酒。爲何而設。〔生〕是結義酒。〔淨〕令

第二哥可來麼。〔生〕我好意喚他同來。要二位教導他。他反說許多不中聽的言語。是個不識好歹的。不要保他。〔丑〕哥哥。自古道人心各別。我三人自結義便了。〔淨〕我每三人做個賽關張。

〔生〕何爲賽關張。〔淨〕當初劉關張弟兄三人。在桃園中結義。白馬祭天。烏牛祭地。不願同日生。

只願同日死。我們今日弟兄三人。在蔣家園內結義。可不是賽關張。〔丑〕哥哥。自今日爲始。大哥

有事。都是我弟兄兩個擔當。火裏火裏去。水裏水裏去。大哥若是打殺了人。也是我每弟兄兩個替

你償命。〔生〕難得二位賢弟如此真心相待。今後如若宅上欠缺。都在愚兄身上。〔淨丑〕今日

在清風亭之言。各不相負。大哥請上。受兄弟一拜。〔生〕豈敢。〔對拜介〕曾記桃園結義深。從來

仁義值千金。〔淨丑〕人情若比初相識。到老終無怨恨心。〔生〕看酒來。〔末〕有酒。〔遞酒介〕

〔解連環〕〔生〕酬酢歡娛。拚今朝共伊沈醉。同攜手步月歸去。〔合〕逢知己。賽

過關張管鮑的。切莫學割袍斷義。

〔前腔〕〔淨〕兄飲一杯。但從今放開憂慮。兄有事弟當前去。〔合前〕

〔前腔〕〔丑〕兄聽因依。是吳忠把盤饌偷喫。適纔的望兄不至。〔合前〕

〔前腔〕〔末〕誰是誰非。請不須再三提起。提將起恐伊羞恥。〔合前〕

一飲莫辭醉。今朝拚醉歸。

酒淹衫袖溼。花壓帽簷低。

第四齣 妻妾共議

〔杜韋娘〕〔旦上〕玉容態嬌豔。眉黛淡掃春山遠。鳳髻綰烏雲。霞觀臉。更嫋娜。纖腰嬌軟。正笄年。遣適豪門。已奉蘋繁。喜遂于飛願。與才郎契合。願百歲同諧。繾綣。念奴蟾宮標格。洛浦精神。芳姿美若芝蘭。雅意堅如松柏。生居官族。愧無謝女之才。長適豪門。頗有關雎之德。惟慕貞潔。不喜繁華。端然閉月羞花。何必濃妝淡抹。大抵還他肌骨好。不搽紅粉也風流。奴家楊氏月真。昔憑媒妁。嫁與東京孫員外爲妻。奴有慈善之心。奈無子息之繼。自從公姑去。

世兒夫與小叔不相和睦。他近日又與柳龍卿胡子傳結義。把嫡親兄弟卻作陌路之人。每日勸諫。執性不從。我身伴侍妾迎春。頗曉人事。不免喚他出來商議。迎春那里。〔貼上應介〕來了。

〔新水令〕奴家年少多聰惠。伴娘行宴樂遊戲。晝永拈針指。〔旦叫介〕迎春。〔貼〕

聽簾前呼喚。不知有何言語。〔見介〕院君萬福。〔旦〕迎春。結交須勝己。似我不如無。〔貼〕

院君爲何說此兩句。〔旦〕迎春。你兀自不知。近日兒夫心改變。作事大猖狂。每日與柳龍卿胡子

傳打伴。朝歡暮樂。醉酒狂歌。見了嫡親兄弟。就如陌路之人。你道如何。〔貼〕院君。自古道熟油苦

菜。由人心愛。望院君早晚勸諫便了。

〔集賢賓〕〔旦〕官人近日心恁偏。與兄弟結冤。每日與非親同歡宴。把骨肉頓成拋閃。不聽勸諫。怕迤邐日疎日遠。長掛念。恐一宅分爲兩院。

〔前腔〕〔貼〕人情好歹非偶然。奈總是前緣。是則是官人沒宛轉。我娘行自當相勸。聽時易言。不聽後別作機變。休掛念。自臨風對月消遣。

〔琥珀貓兒墜〕〔旦〕良藥苦口。逆耳乃忠言。嘆我兒夫不信賢。幾番勸解反埋

冤〔合〕難言。問甚日何時。得他心轉。

〔前腔〕〔貼〕勸君不聽。切莫再三言。又恐官人生別見。反將恩愛變成冤。〔合前〕

手足之親兩不和。

忠言逆耳奈如何。

酒逢知己千鍾少。

話不投機半句多。

第五齣 孫榮自嘆

〔五供養〕〔小生上〕今生有幸。喜一身生長豪門。家傳朱紫貴。世簪纓。詩書盡覽。時未至龍門難進。一日裏遇風雲。那時衣紫作公卿。生居宦族簪纓裔。積玉堆金真富貴。弱冠正當年。留心古聖編。事兄如事父。爭奈兄嫉妬。見我似冤家。不知有甚差。自家孫榮是也。我哥哥近日結交柳龍卿胡子傳。終日醉酒狂歌。把我如同陌路。不知後來可有和順的日子了。

咳。哥哥。我與你是

〔前腔〕同胞至親。更不知他因甚生嗔。朝夕長打罵。苦難禁。不敢怨兄。只恨我不能隨順。早晚拈香拜告神明。願兄早早可回心。

默默自思量。

家兄忒性剛。

觸來勿與兢。

事過必清涼。

第六齣 喬人行謔

〔朱奴兒〕〔淨丑上淨〕常言道。人無遠慮。〔丑〕定必有近憂來至。〔淨〕是則是。三人同結義。〔丑〕怕只怕半途而廢。〔淨〕說得是。作個道理。早尋個長久計。〔丑〕二哥。夜來孫大哥家好酒。〔淨〕兄弟。酒也要喫。事也要幹。〔丑〕二哥有事。難道小弟不幹。〔淨〕我且問你。昨日花園中結義幾人。〔丑〕是三人。〔淨〕杭州老官說的。還有一丟兒。〔丑〕孫大哥。你我。再有何人。〔淨〕你去猜一猜。〔丑〕家裏人。外頭人。〔淨〕家裏人。〔丑〕噯。是了。前日清風亭上結義。只有吳忠在那里。敢是吳忠。〔淨〕呸。破蒸籠不盛氣。他是孫大哥家裏使喚的。我每喫酒。他來伏事的。到與他結義做朋友。沒志氣。〔丑〕敢是孫大嫂。〔淨〕自古道。長兄爲父。長嫂爲娘。雖然不是親的。也是個嫂嫂。難道與我每做朋友不成。〔丑〕敢是迎春。〔淨〕阿呀。免兒。踹壞了娑婆樹。月不好了。迎春是大哥的通房。怎麼與我和你結義。一發不是了。〔丑〕這等猜不

着。〔淨〕就是在書房中終日子曰子的。〔丑〕可是孫二麼。〔淨〕着着。〔丑〕前日孫大哥說不要保他。慮他怎麼。〔淨〕兄弟。你不曉得。那孫大嫂是極賢慧的。他見大哥疎薄了孫榮。必然勸諫。常言道。妻是枕邊人。十事商量九事成。萬一大哥醒悟了。他們弟兄親的只是親的。我和你疎的只是疎的。倘或和順了。我和你就如兩個網巾圈撇在腦後。要見面也是難了。〔丑〕二哥說得是。必須尋一條計策來弄斷了他。我與你衣飯還長久。〔淨〕有理。只是沒有好計策。怎麼處。〔丑〕兄弟到有一條計在此。〔淨〕你有何計。〔丑〕到鐵鋪裏去打一把快刀。一更無事。二更悄然。三更時候。把孫二來一刀殺了。這計如何。〔淨〕呀。人物平常。計策也只如此。〔丑〕怎麼。〔淨〕東京城裏這幾家鐵鋪都是認得你我的。倘或挨查出來。是柳龍卿胡子傳殺的。那時我和你爲首爲從。都問成死罪。可不兩個人償他一命。不好。〔丑〕這等怎麼處。〔淨〕我有一計在此。〔丑〕計將安出。〔淨〕我和你今日到他家。只說謝酒。昨夜回去。打從小巷裏走。只見令弟頭帶儒巾。身穿藍衫。脚穿皂靴。與一個挑船郎中說話。手裏拿了一包銀子。說我家耗鼠太多。要贖些蜈蚣百腳。斷腸草。烏蛇頭。黑蛇尾。陳年乾狗屎。糖霜蜜餞楊梅乾。〔丑〕阿哥。怎麼有糖霜蜜餞楊梅乾在裏頭。